

吳江縣續志卷十八

孝友

潘其炳吳芝源程逢源陶明元凌國琇趙士奇翁三祝

管鴻朱良法李正明凌國泰程士弼程潤六楊永文

顧聖祥莊萬年蘇惠高吳蔡年吳梅朱尚德董某李

某金廷炳龐允彬陸芳麟曹柯韓右章錢金禾王鼎

王果王權沈欽文楊壽煦馬承惠楊慶樑張堅王炘

張鑑王淇馬大錫馬大銜陳希恕張寶鍾潘多大潘

兆圻徐文謨沈文澍

仲有餘顧東亭張永貞黃鉞楊剛

凌濬趙世煦陶堃陶元治沈元溥別見續葉樹偉石逢龍

袁蔭槐黃阿麟

吳江縣續志

卷十八

目錄

一

陳時夏張澹李善昌褚永昭王謂徐孺芳陳紹文吳誕

文張三貴張經清吳赤膊

顧我魯汪良緒顧榮瑞黃琮屈茂垣

陳銳王麟章王恩壽恩壽見行誼附傳

吳江縣續志卷十八

孝友

潘其炳吳芝源程逢源陶明元凌國琇趙士奇翁三祝

管鴻朱良法李正明凌國泰程士弼程潤六楊永文

顧聖祥莊萬年蘇惠高吳蔡年吳梅朱尚德董某李

某金廷炳龐允彬陸芳麟曹柯韓右章錢金禾王鼎

王果王權沈欽文楊壽煦馬承惠楊慶樑張堅王炘

張鑑王淇馬大錫馬大銜陳希恕張寶鍾潘多大潘

兆圻徐文謨沈文澍

仲有餘顧東亭張永貞黃鉞楊剛

凌濬趙世煦陶堃陶元治沈元溥別見續葉樹偉石逢龍

袁蔭槐黃阿麟

吳江縣續志

卷十八

一

陳時夏張澹李善昌褚永昭王謂徐孺芳陳紹文吳誕

文張三貴張經清吳赤膊

顧我魯汪良緒顧榮瑞黃琮屈茂垣

陳銳王麟章王恩壽恩壽見行誼附傳

孝友

割股之事儒者議之以爲傷生非孝也李齡壽曰人之有身一毛髮無不愛也蚊蚋攢之卽覺於心而動於體針錐刺之雖壯夫亦色駭及至無可如何顧引刃以自割其心知有父母耳不知有身也尚何引詩書繩禮義以自文飾哉余考前輩諸紀載得如干人其人或士人或農夫或市人蓋天性之事雖愚夫婦而或過於士大夫莊子所謂混沌未鑿者非耶潘其炳未子未病篤其炳割臂肉和藥以進卒不起其炳恩貢生乾隆初修縣志人

物傳多其

炳藁臨卒戒其子無作佛事

云吳芝光母疾篤割股肉烹而進母疾瘳芝光乾隆二十一年舉人程逢源以例貢生官常州府學訓導母疾割股和藥

進逢源平望人如其炳三人者讀書知古今明禮義者也夫豈不知傷生之非而卒躬蹈之非迫於中心之誠而有不暇計哉陶明元平望人母患心痛明元輒舌捫心以分其痛一日母病危甚明元露禱於庭願割肉以療母將抽刀恍惚見童子揮手令勿割言當服某藥如其言果愈凌國琇黎里人生九歲割股療母明元一念之誠感於神明國琇在孩提之年豈不猶可驚異者哉趙士奇翁三祝皆平望人士奇割股療父疾血溢不止暈而徐蘇嘗門外見一女子遺銀於地有賣腐者以擔壓之女子哭而來士奇與賣腐者錢令還其銀三祝父年老矣病殆割股進遂愈有弟早卒三祝哭之一慟幾絕士奇之與賣腐者錢令還女子金三祝哭其弟踰常情其行亦卓然異者不獨割股事也管鴻亦平望人父母疾

兩割股先後十餘年也朱良法母病割股父母沒三年不御酒肉李正明母病割股邑令旌其門曰篤行純孝凌國泰亦兩割股程士弼程潤六楊永文顧聖祥皆有割股事莊萬年蘇惠高母疾皆割脅肉吳蔡賢耕織以養母母疾割胸肉作糜以進見翁廣平平望鎮志吳梅朱尚德黎里人亦割股有董某父病割臂肉不愈李某本南潯人寓黎里母病割臂肉進之愈陳赫邱璿有詩紀之見徐達源黎里志金廷炳龐允彬同里人並以割股療母病見同里志陸芳麟居城中母病割肉作糜進之見錢霑續志藁曹柯屯村人父病割臂肉療之韓右章農夫也母早寡年老有疾右章割股療之錢金禾王鼎不詳何地人亦割股療父病金禾例授平魯典史鼎禾善屬文石韞玉府志云李齡壽曰吾邑諸鎮志多成於嘉慶

朝趙蘭佩人物續志與柳樹芳汾湖小識成於道光二十年爲最後矣然閱今三十餘年凡孝行見諸家文集并耳目所聞見則既紀之矣友人朱蘭成示余吳江孝子清冊數紙不知何人所寫始於宋柏深山後有黃鉞張寶鍾諸人皆盛澤鎮人卒於咸豐中意其時採以上聞者然如前所載二十餘人皆不列焉冊中割股事亦多今並著於篇王果父歿絕食數日母病割股王權父病割股沈欽文母病亦割股楊壽煦父病兩次割股馬承惠父母病皆割股楊慶樑母病割股張堅繼母病割股王炘父病割股妻沈氏感動亦割股張鑑繼祖母病割股王淇馬大錫馬大銜陳希恕張寶鍾皆割股凡十五人焉王炘能感其妻張堅張鑑孝行於繼母繼祖母其尤難者十五人多盛澤人而陳希恕蘆墟人嘗寓盛澤者別

見藝術傳張鑑別見文苑傳同治六年省城設局採訪九邑孝子悌弟貞孝節烈婦女吾邑孝子以割股旌者曰潘多大潘兆圻徐文謨多大無名爲人操舟舌蹇難於語言言必曰多大人因呼之母病割股愈後母歿自經死兆圻母病割臂肉割時室有聲若爆竹其光熒熒文謨割股事在乾隆七年江澤村人旌表冊云汝鳴球言沈文澍母病割股文澍字兩春黎里人廩貢生試用訓導余友也後以父歿哀毀致疾卒在光緒元年

李齡壽曰前明吳孝子璋自江西負母骨歸至大江遇風將覆其舟孝子抱母骨浮於水風頓息世所稱全孝翁與周忠毅死魏璫事同爲吾邑忠孝之冠而近百餘年間有仲有餘顧東亭張永貞黃鉞其事可述焉仲有餘其先本盛澤人自

其曾祖幕游廣東家焉遂不歸父淵如在粵娶妻趙生二子有餘有孝舍而歸盛澤有餘年二十二甫娶妻母命之航海歸葬其先世骨因迎其父有餘母但知淵如所居有似石音故有餘先至石門繼至金澤震澤皆不得父耗聞盛澤有族居姓仲氏者乃至盛澤至則求其父得之父不識其子有餘也有餘述母命歸骨迎父事時囊中餘十七錢而已淵如乃赴粵與妻子相見其所居在瓊山島牛馬口乾隆九年事李齡壽曰不獨有餘孝子其妻亦貞婦也顧東亭同里人失其名父挾丹青術挈家至 京師十年歿於外東亭與母歸復徒步至 京師迎父櫬焉張永貞父客游不歸不知其踪跡後聞歿於陝西永貞輾轉求之卒函父骨歸見錢墀所爲黃溪志黃鉞亦盛澤人父賈於廣東嘗寄鉞銀數十兩爲鉞娶

婦資驟聞父耗鉞卽以其銀奔父喪行至浙江常玉山資斧盡遂徒步乞食以往行竟日則足盡腫臥一宿復強起行屢瀕於殆卒達廣東迎父柩歸遂終身不娶李齡壽曰鉞貌朴野短於視常爲義塾師余見時年已六七十其歿在咸豐十年後矣凌淦曰孝子尋親負骸骨記載多有之若沈先生曰富記楊剛事尤足多焉剛字毅堂兄曰桂生謀賈於燕附糧艘北行剛送之會城見其冠敝以所戴絮帽易之旣渡河病卒赴聞剛年十六恐母悲託他故徒步千里奔其喪至則棺在叢殯中啟焉屍不可復識而絮帽宛然遂大慟以襪被裹其骨歸告母但言扶柩不言歸骨也沈先生謂毅堂事惟明黃廷璽後再見之廷璽事在其六世孫宗義文集中所謂萬里尋兄記也

曰慶麟者今以翰林出爲廣東布政使剛孫也

吳江縣續志

卷十八

人物三

四

凌淦曰余從兄濬字百川侍母潘恭人病潘恭人疽生於頸頭盡腫兩目不闔如綫眩而暝則痛淚膠結於眶濬晨夕舐以舌久之疽潰而僵毒不出濬復吮之然卒不起哭之哀咯血數升請於朝得旌矣濬與淦同舉咸豐九年鄉試者也而翁廣平平望志亦載趙世煦母目盲世煦晨夕舐之目復明而梓樹下村陶塋常舉鄉飲介賓侍父病不解衣同臥起者彌年後居父母喪皆茹素三年塋之元孫元治邑諸生父病爲文禱於神願減己齡以益親算父愈數年元治遽卒父思之倍痛也淦又曰余友沈元溥字春敷少孤母歿時元溥年已五十餘猶依依如嬰兒廣坐中見有具慶者必淒然不歡獨淚下見人少孤亦然葬母南歸侍寡姊疾不離側因以得疾此皆天性有過人者李齡壽曰元溥事旣見其父鉅

傳然此不可不書也而沈先生曰富記葉樹偉事尤可以風世樹偉世居地曰池亭家貧晨起躬執爨擔水泔米畢取母廁踰滌之卽閉戶琅琅誦讀爲諸生授徒於外遇食膳豐則逡巡不下箸以母未獲食也娶妻以爲不能善事親恒不相得母歿殯殮畢大哭而詈之同室皆感動語云孝衰於妻子若葉先生豈其然哉錢墀黃溪志又言石逢龍母老臥牀十餘年每出必爲母滌脮而行同治朝採訪孝子又有袁蔭槐黃阿麟蔭槐事親敬養居喪致毀未嘗見齒友愛兩兄無私於貨宗族皆稱其孝蔭槐 恩貢生了凡先生黃之裔孫也阿麟夏夜必持扇爲母驅蚊母不憚則長跪膝前必得一笑乃已母目翳舐之兩月復明如凌濬以下數人以理言之皆人子職也非有奇特可異之行故曰事父母能竭其力人子

所得爲者皆其力也然何不數數覲耶

人子侍疾養親居喪盡禮常也割股療病千里歸骨變也變者固難常亦豈易言哉夫遭遇亦不一矣生不逮養終慕哀號患難倉猝死生莫顧身處貧賤孝養未遑三者人所時有處之尤有所不忍言乃徵之學士大夫所紀載與父老所傳聞而樂爲稱述焉陳時夏黎里人父歿結廬墓側風雨之夕哭聲不忍聞與諸弟析產推肥受瘠張澹親喪廬墓三年李善昌以哭母卒而褚永昭事其志尤苦處之能不失其正永昭居汾湖之濱父歿孝子纔數歲母困不能自存更嫁於邱將挈以行則號泣牽母衣不釋手逆者更以夜至及旦號而往邱挽之遽反走母不得已寄諸外家旣外祖母亦歿乃依邱居二年辭歸爲人操舟輒就學書記遂以起家而邱日落

其異父弟二人已孤露永昭迎母歸養均所業爲四以二分授弟已二子各得其一遂往來兩家永昭養母教子孫循循有法度初永昭在外家母歸祭於楮呼使拜則拜使食則不食傭於人有所得必遺母母或飼之則又不食永昭事陳先生壽熊爲之傳又論之曰禮有繼父服傳者謂子從母適人所適者以其貨財爲之築宮廟歲時使祭祀焉若是則同居爲之齊衰期不同居爲之齊衰三月惟律亦然永昭於邱蓋所謂不同居者王謂徐孺芳皆同里人謂諸生盜入其室劫其父炙以烈火謂方幼抱父呼號不已盜憐而去之孺芳亦被盜劫爲盜縛盜以刃脅其父孺芳大呼曰金帛在我無傷我父盜釋父卽劫孺芳且炙以火重傷二人皆見同里志謂二子皆康熙時舉鄉試當爲國初時人前志未載也同治朝

清生時召賓客飲酒演劇及長曰益貧乃提一筐走市中鬻餅餌得錢必市甘旨奉母而自食草具一日歸晚依依立戶外達旦不敢叩門雖爲市傭敝衣冠一襲終藏篋笥歲時衣以祀其先人以拜其母母歿日市甘旨上食如生時李齡壽曰經清身長而瘠頭銳上日見其 筐走市中目不知詩書其族人張廷倬余友也言經清事如此又言經清雖窶貧終其身未嘗與人貸一錢也凌淦又爲余言吳赤膊事赤膊無名莘塔人業操舟 冬風雪中不衣不知寒人因以呼之赤膊亦以此自喜也其事母也無聞母歿手負土爲葬煮粥一斗食之盡負鍤往兩日方還墳成未嘗再食也年壯未娶有再適婦或勸之娶不欲後娶一瞽女年老風雪中猶時不衣卒以是得疾死

李齡壽撰次孝子事得如干人矣書曰惟孝友于兄弟孝宜無不友然兄弟友愛事絕鮮蓋旣無驚異出尋常者門內之行不爲人之所傳人亦無以爲名高而傳之者及讀朱春生所爲顧我魯傳其愛弟非常情所有我魯字瞻泰諸生少與袁景輅輩結詩社其詩忠厚而悻惻於倫常之際三致意焉我魯篤愛其弟其弟暱婦言婦諄暴異於人我魯客蔚州里之人有自蔚州來者言南中物至彼可得倍稱息弟思獲厚利梱載往率不售則悉以委我魯云其值百金質婦奩中物非得倍稱息則慚其婦不能歸我魯竭蹶措百金與弟而弟必欲取盈二百金我魯無餘金則以籍記之後 年我魯歸弟之婦遽謂我魯曰貸錢者率三年則子母相侔今此金已踰十年爲相侔者三我魯實不能償則日搏膺譟呼乃以所

居屋立券予弟奉母別居弟之婦猶謂屋小不足以償則衣服器具悉恣其取攜而我魯不惟不怒其弟且甚憐之謂其出於不得已遇弟則極口慰藉謂吾不以身外物傷手足情也久之弟之婦死弟招我魯同居我魯喜謂弟終愛我輒以告於人及入居則取償屋值有加我魯終不與之較也而顧汝敬又爲汪良緒傳處天倫之變與我魯同我魯遭傲弟而良緒事頑父良緒字纘武居城中父好博破其家母切諫忤其意逐之良緒號泣求返其母則并逐之乃奉母依其外家母出時尚攜奩中物值數百金斥之買田四十畝以自給父不能自存則又盡去所買田嘗暑月夜臥無帳爲父置帳輒以償博復以已帳進又以償博良緒無如何則裸臥飽蛟蚋晨起跡斑斑妻欲帳於鄰以良緒則蹙然曰我父無帳

一日母病良緒授徒於外未歸聞母疾值嚴冬河冰合良緒徒步歸值津渡處踐冰行冰有聲見者股栗及居母喪朝夕寢於地夢中時時哭呼阿母遂以毀致病而卒臨歿以不得終事父爲恨視其枕則以麻布包土塊也良緒能爲詩古文其文今無傳翁廣平稱其申生論爲最善云而同治朝採訪得旌悌弟則有顧瑞榮黃琮瑞榮字堂咸豐十年賊陷吳江瑞榮扶其兄而逃至河不得渡姊亦牽其子旁皇河千瑞榮涉水中流拽夾岸舟始得渡聞賊警走必挾其兄積驚成疾以歿琮字鶴樓兄爲盜誣又爲仇所訟罄其財琮盡出田廬契約與其兄或以爲言則怒曰若爲我分析耶又有屈茂垣年四五十事其兄怡怡如幼少時鄉里稱之茂垣監生新杭里人

補遺

陳銳字綬青黎里人甫成童密封股肉和藥以進卒不救銳諸生有聲於時

王麟章蘆墟人其師丁某言其有陰孝人莫知之麟章年六十丁年八十書額頌之

王恩壽光緒三年 欽旌孝子見行誼附傳